

國家圖書館藏

中華歷史人物別傳集

綫裝書局

石舫府君行述

誥贈奉政大夫吏部考功司員外郎兼交

選司行走掌稽勲司印加一級石舫府

君行述

府君諱舒敏字叔夜號時亭別號石舫自稱適齋居士姓愛新覺羅氏滿洲正紅旗人系出

興祖直

皇帝第三子寧古塔貝勒索公諱長阿之六世

孫也曾王父福公諱祿王父富公諱爾丹均

贈光祿大夫考伍公諱拉納起家步軍統領銜

門筆帖式官至閩浙總督妣伊爾根覺羅氏

誥封一品夫人生妣索佳氏 誥封恭人以伯父仲

山公官侍衛班領 誥封太恭人 先是富公有厚德恬淡不樂

仕進涿州之莊頭村故有別業公耽其幽靜因

徙居焉時遼東舊僕尚有數十戶悉除其籍使

之歸農並各授之田歲徵其租咸樂輸將遂致

富居鄉仁恕樂施濟曾捐產若干頃為義田鄉

人立碑紀其事迄今父老多稱之總制公年十

二始奉生母曹太夫人移居都城阜成門內之

東廊下總制公生六子四女府君第三而行五

從大宗行次也府君生而聰慧書成誦後輒不遺忘疎放不拘儀節亦鮮所嗜好課誦外惟好畫畫無所師幼卽能之不喜逐羣兒嬉恒靜坐時作畫輒工往往貌諸家人輒肖嘗自寫真亦肖甚人皆奇之年十餘歲卽吟詩亦無所師授隨手散軼今百無一存矣存者自乙卯年始旣長益溫厚沈靜年十五九經悉熟讀好司馬氏通鑑能舉大意稍暇習國書習步騎射並皆精通性純孝且友愛特甚兄弟小有爭論輒從中排解或以罪歸之輒任受過無敢少爭媼姆皆曰五哥無能爲何至此府君笑曰汝烏足知我家庭之內而欲以才力見長其不貽誚於閭牆者幾希矣先是大父御子嚴而喜英明發露者以府君沈潛不甚許可及聞此語喜曰渠能作此語兄弟其無他患乎事嫡母生母如一先意承志莫之或違以故能得嫡母歡愛之如已出其能得親心類如此大父歷官皖豫楚閩各省府君悉皆隨侍年十八循例來京當差始回旗

籍越一載而大父緣事獲咎府君與諸父並戌伊江時六叔父文山公諱舒斌年已成童中途忽患痘府君力爲調護朝夕湯藥必躬親其事行抵蘭州叔父病益篤痘痂迸裂血殷牀褥展轉呻吟傷心慘目奴僕皆引避去府君獨與之共榻者十餘夕而叔父殤於旅邸府君曾爲文哭之有弟母卽爲余母忍辭菽水之勞余心卽是汝心應饗椒漿之奠等語蓋叔父爲張孺人出孺人又他無所出故云嘉慶丙辰到戍將軍保公以舊家子嘗遇之居三載爲請於朝已未秋七月蒙恩賜還府君在戍惟閉戶讀書潛心經史之學以爲讀書必先識字而今之號稱通儒自詡淹博者殊不乏人及叩以字之音義形體非應答乖迂卽張口瞠目不知所云然則識字者蓋寡矣因手摘習用之字一以字典爲主搜採諸經訓詁旁及子史日註十餘字錄成四巨冊顏曰適齋字課未卒業而

恩旨下遂中輟其書尙存於家維時伊江遷客

多知名士而府君惟與二三知己爲道義交聞

及文字就中與河間舒文

諱其紹曾任浙江長興令

尤稱莫

逆相與唱和吟咏遂富府君雖肆意於詩歌然

於無人處輒自飲泣或同舒文及諸父郊遊往

往臨風慟哭人目爲狂而不知府君之哀慕者

深矣庚申春旋里屏除世事耽心禪悅詩亦遂

廢辛酉夏京師大雨敝廬傾圯無容身地乃寄

居外家外祖母張太夫人除舍館之府君以身

遠慈幃定省或缺因日詣親所問安暑雨祁寒

無或閒時家已中替出無車雖僕僕道途弗恤

也癸亥四月朔不肖生命名錫禮

今改名崇恩乃嘉慶丙寅

先伯父仲山公所改報入玉牒者

是秋覓戚黨善畫者德丈謂

之曰子盍貌我設我死庶椿兒

恩乳名阿椿

猶得於

畫圖中見我也德雖爲寫真而竊疑其語不祥

是冬偶患右脇初不爲意庸醫誤投峻劑毒內

攻嘔吐竟夕遂不起嗚呼痛哉時嘉慶八年癸

亥十一月十五日寅時也距生於乾隆四十二

年丁酉七月初二日午時享年僅二十有七葬

都城德勝門外清河朱房邨先大父新塋昭位

之第二穴乾山亥向以子崇恩官吏部員外郎

任內 封典贈奉政大夫配希爾吉勒特氏福

建水師提督兼臺灣鎮哈公

諱當阿

長女 誥

贈宜人宜人有令德貞靜明淑事翁姑及府君

唯謹府君歿後守節撫子女成立飲冰茹蘖廿

有一年以道光三年癸未十一月十二日辰時

歿與府君合葬於朱房邨宗人會祠部請旌於

朝例 賜建坊銀緞崇祀節孝祠餘詳宜人節

略中茲不贅子一人崇恩現官吏部稽勲司掌

印郎中兼辦文選司事公中佐領 欽命內館

監督 記名道府女一人靈雲長崇恩三年適

廂紅旗滿洲拔貢生文奇現官刑部主事孫二

人廷衡廷尙女孫四人芝年逢年樹年瑞年並

幼當府君歿時

恩

在襁褓音容雖接追述無由

謹就伯父夢亭仲山兩公緒論及先太宜人遺

語略爲編次著於篇府君未出仕復早世旣無

功業表見於時又未嘗著書立說傳之不朽所
可傳者惟遺草一編而已至家庭孝友又人生
分內之事爲人子者雖稱道疊疊而聽者或習
爲故常凡思之所以泣血爲此者非敢稍事張
皇鋪陳先德聊以載之家乘使後世子孫知我
府君德有足稱未竟其緒有所觀感或可推我
孝思於無窮焉爾至於發幽闡微表章於世則
深有望於立言之君子道光十有七年歲在丁
酉七月十五日不肖孤崇恩謹述

賜進士出身

誥授榮祿大夫戶部左侍郎總管內務府大臣
正白旗滿洲副都統管理國子監光祿寺
事務加三級姻愚姪文慶拜手填諱

貞孝錄全案

序

吾友張仙槎有女月姑許錢郎未字而守節矢願終身事父母足不出戶庭年三十餘嘗鞠育其姪視疾課讀無微不至居恒操井臼勤女紅辛苦持家人無間言仙槎謂余曰某日事遠游所得筆資寄爲薪水費皆女摒擋一切寧儉毋奢遇歲饑則數米而炊析薪而爨能以其餘爲某娶兩媳並贖回祖遺舊宅某歸時尤竭力奉養正不獨代母氏劬勞已耳某不忍沒其貞心孝行爲之請旌且徵詩以表之余聞而惻然曰此蓋以貞成孝者歟此雖貞女之不幸此誠吾友仙槎之大幸也歟遂直書其事以弁於貞孝錄之簡端

道光丁亥初夏武林蓮仙繆良拜撰

貞孝錄序

一

貞孝錄全案

具呈翰林院編修張曾為呈請

旌表行查原籍以彰風化事竊

江蘇江寧縣人緣

上元縣族兄張寶次女月姑自幼許字安徽懷寧

縣錢宗蕙次子為室生隨父宦遊粵西初其父尚

有書信往來至嘉慶元年月始年二十歲聞知錢

宗蕙官早被黜錢生已故月姑誓不他適願終身

侍奉父母若必欲奪其志惟有自盡而已其孝除

晨昏定省外每飲食必親製以進而舉止言笑凜

貞孝錄全案

若冰霜居恒足跡不出戶庭惟伴其母持家克勤

克儉賢孝之名鄉黨共知今年已五十歲計守貞

三十一年核與

旌表之例相符

職不忍聽其湮沒不彰為此取具同

鄉京官印結粘呈投遞伏祈

恩准行查原籍照例辦理實為德便

同鄉官印結 戶部主事何其興

署江寧府上元縣正堂加十級紀錄十次伍 為

行查事奉

江寧藩憲張 札奉

巡撫部院張 憲行道光五年五月十九日准

禮部咨據翰林院編修張曾呈稱為伊族兄張寶

次女月姑守貞合例呈請到部轉飭查明守貞年

分是否相符取造冊結詳咨等因轉行到縣奉此

合行差查為此仰值日長班立即查明張寶次女

守貞年分如果與例相符即取具事寔妥協冊結

貞孝錄全案

刻日由學移縣以憑核轉事關

部咨要件該長班毋得延遲致干提處速須票

差張炳

道光五年七月

初五日

發

具稟江寧府江寧縣廩生張鳳儀爲

遵行查稟覆事竊^生父曾在部具呈爲族伯次女
月姑守貞合例奉文行查^生遵將^生姊月姑貞孝
事蹟年歲據實開呈並邀同甲隣親族出具切結
伏祈轉詳謹稟

貞孝錄全案

三

江寧府上元縣儒學爲行查事本年七月初九日
准

貴縣移奉

江寧藩憲張 札奉

巡撫部院張 憲行道光五年五月十九日准

禮部咨據翰林院編修張曾呈稱爲伊族兄張寶
次女月姑守貞合例呈請到部轉飭查明守貞年
分是否相符取造冊結詳咨等因轉行到縣移學
准此^做學奉卽查取事實甘結去後茲據廩生張

鳳儀覆稱切生父曾在部具呈爲族伯寶次女月
姑守貞合例奉文行查^生遵將^生姊月姑貞孝事
蹟年歲據實開呈並邀同甲隣親族出具切結伏
祈勘轉等情到學據此^做學查得張寶次女月姑
生於乾隆丁酉年四十九歲屆明歲 道光六
年咨覆到

部卽符定例年屆五旬准予

旌表茲據該家屬開呈事實族親鄰甲呈投甘結前
來^做學採訪無異該上元縣儒學署教諭吳訓導

貞孝錄全案

四

陳看得張寶次女月姑孝思以永貞性不渝夫耗
早斷于粵西魚稀雁杳女貞特著于江左玉潔冰
清敦不置于寸衷矢靡他于畢世父常遊外事母
尤誠嫂氏云亡撫姪益篤貞孝既勵于并年

旌表宜邀于艾歲相應將投到甘結加具印結開造
事實清冊備文移覆

貴縣請煩查照希賜復加採訪詳請咨覆爲望
計移送 冊結七本套

一 移

本縣

具甘結上元縣黎字鋪地甲張全隣李配韶親蕭
蔭遠族張恩源今於 與甘結爲遵奉查覆事實
結得上元縣監生張寶次女月姑生於乾隆四十
二年九月十五日四十三年四月許字安慶府懷
寧縣錢宗蕙次子宗蕙宦遊粵西錢子早故月姑
聞信義不他適至今道光五年現年四十九歲中
間不致捏混所具甘結是實

今於 與印結爲前事實結得云 中間不致糊

貞孝錄全案

五

混所具印結是實

爲前事遵將本縣監生張寶次女月姑貞孝實事
開造清冊呈送查核施行

計開

一貞孝女月姑係上元縣監生張寶次女生
於乾隆丁酉年九月十五日戌時於
戊戌年四月許字安慶府懷寧縣錢
宗蕙次子錢生隨父宦遊粵西初其
父尚有書札往來及年近二十杳無

音信傳聞錢宗蕙官早被黜錢生已
故自後湮沒無聞

一貞孝女矢志守貞其父因女年長錢姓杳
無音信終非了局與習名例幕友談
及此事據查律例與看乾隆五年載
有一婚期已至三年無過不娶及夫
逃亡五年不回者聽行稟官另行擇
配亦不追取財禮等語況二十年之
久自應另字卽以此語囑妻問之女

貞孝錄全案

六

誓不他適願終身侍奉父母若必欲
奪其志惟有自盡而已其父見其志
堅辭決遂從其志

一貞孝女孝行除晨昏定省外每飲食必親
調之初其父家寒以書畫生涯常遊
外省數載不歸姑伴其母以針黹爲
事父歸時省儉度日不許浪費姑聞
鮮物上市卽以針黹所餘之資囑其
弟私自買歸親製以進鄉黨共稱焉

一貞孝女撫姪其父年近五十望孫綦切長

媳金氏生孫慶桃媳卽得病姑體親

心代爲盥洗糊育未年餘媳沒姑盡

心撫養甚若親生慶桃患痘症勢甚

危險姑焦心啼哭晝夜調護謝梳洗

忘飲啖者半月餘竟賴其力得以無

恙

一貞孝女課姪慶桃幸賴姑力得以成立讀

書至今十餘歲寒暑飲食尙時加顧

貞孝錄全集

七

復慶桃亦惟姑是依每夜課其讀書

就燈前以針黹伴之至三更乃止晝

不熟不許寢其苦心若此

一貞孝立志居嘗足不出戶庭雖至戚相邀

亦辭不往二十年前其父貧寒又嘗

遠出姑持家遇歲饑則數米而炊分

飯而食囑其家衆曰父勞碌於外我

輩坐食於家若不節省於心安乎日

伴其母克勤克儉得以不置拘束諸

弟婦毋得苟言苟笑居處必以正姑之力也

道光五年七月

日

署儒學正堂吳行

儒學副堂陳行

貞孝錄全集

八

署江寧府上元縣正堂伍據上元縣學採訪貞孝

事實印結詳請轉覆云看得張寶次女月姑孝

叶有懷貞占不字修儀雁幣雖通媒妁之言信杳

鸞傳竟絕唱隨之念心同松柏潔素履而忘勞念

切椿萱奉高堂而却聘洵著完人於巾幗宜沐

盛典之

旌揚茲據該學備送事實供冊加看具文申詳

憲台鑒核加轉云

云

江蘇江寧府正堂余據上元縣伍轉詳該學採訪
貞孝事實印結前來云核看得張寶次女月姑
婉孌承儀莊姝式範幼占倚玉早偕皖水之名宗
長賦標梅遂斷離江之遠訊痛夫征之不復八月
有凶異女子之有行十年不字影覺熒而獨弔心
耿耿而逾清之死靡他幾化望夫之石此生不二
誓全傍母之身疾風至而勁節彰古井深而寒泉
冽不有綽楔何聞幽光允宜

國典之褒揚永作人倫之矜式茲據該縣申准儒學

貞孝錄全案

九

備送事實供冊加具結看詳送前來相應將送到

冊結加看具文詳送伏候

憲台鑒核加轉爲此云

禮部準題 爲 欽奉

上諭旌表貞孝事據請 旌一案該省 督撫學臣等

彙咨到部照核查明係江蘇江寧府上元縣監生

張寶次女月姑生於乾隆四十二年四十三歲許

字安慶府懷寧縣錢宗蕙次子隨父宦遊廣西錢

子早故守貞道光六年現年五十歲青年守志白

髮全貞

議覆 具 奏 仰蒙

皇上睿鑒 奉

貞孝錄存案

旨 硃批 命下給發帑銀聽其本家自行建坊貞孝

祠內鐫刻姓氏碑記載入誌書以光

鉅典

道光乙酉春次女月姑請 旌貞孝賦以紀事

白下張 寶仙槎

襁褓擎如掌上珠祖為選字舊門閭翁居皖水承家澤
官補潯州入仕途得意廢倫先納妾忘情背禮總因姑

月姑余次女也先嚴最鍾愛襁褓時許字皖城錢宗蕙
次子宗蕙為皖世族尚書鸞後裔以貴補授廣西桂平
縣典史赴任去時眷屬尚居皖城先嚴潛山縣典務開
歇後亦寄居於皖余以白金十兩託友人宗姓携其子
赴任所內子遣僕婦告其妻云廣西路遠親母赴任時
即可令小女同去及宗蕙專人接眷其妻竟潛行至任
其子問余女何不同來而彼無言以對其子自此為狎
斜遊未幾宗蕙夫婦買妓與子為妾遂置余女於不問
須知心險風波險家覆人亡孰有無聞宗蕙因犯越獄
革職其夫婦及子

貞孝錄紀事

數年俱
相繼亡

聖朝風化更攸關律重人倫例早頒有以乾隆五年例
官給執照另行擇配為說者女以豈忍半生同逝水誰
死自誓願終身侍父母遂從其志

知一誓重如山余心俯遂承歡願女意欣開戲彩顏代

母劬勞供闔職深閨不放片時閒女足不出戶庭雖至
操井臼外即以針黹為事余歸家晨昏必定省而退飲

食必親調以進余性儉約自奉菲薄每值鮮物上市即
以針黹餘資囑弟買歸手烹以獻其孝心出於至誠終久不怠

移花接木豈無因弱姪相依情更真身任撫嬰憐嫂疾

長媳生孫慶桃後即患病女代為鞠育媳沒慶桃亦惟
姑是依三歲出痘甚危女晝夜調護謝梳洗忘飲啖者

平月餘竟賴其居恆數米念親貧余因家累常借筆墨
力得以無恙遇歲饑則數米而炊分飯而食告家人曰父勞於外我
輩坐食於家若不節省於心安乎余無內顧憂者女之
力一燈課讀勤針黹每夜課慶桃讀書自以廿載持家
歷苦辛今向儀曹呈汝志女貞冬樹再逢春

尋山問水走天涯半是閒情半為家家內支持賴妻女

客中相伴有烟霞二十年中娶二媳三媳並贖回三山

女持家互相和兒孫守分能勤讀次子恩清寄順天府
好妻則安享矣

兄弟安貧不尙華五弟蘊山余授以書佇見
學餘皆安分務業

恩綸頒綽綽頓教白屋錦添花

貞孝錄紀事

貞孝女張月姑傳

清泉王泉之漢槎

張月姑者吾友仙槎次女也性孝友不苟言笑七歲時仙槎訓以毛詩及列女傳釋無非無儀惟酒食是議之義月姑曰作婦之道盡是矣攜謁曹娥廟嗚咽流涕謂養育之恩昊天罔極爲女若曹娥可謂無忝所生矣嗣以詞翰爲非女子事深慕孫蕙蘭之習女紅織紵組紃以致其孝敬爲得大體遂束書不欲觀初月姑之生也卽許字皖城錢宗蕙之次子宗蕙乃故尙書錢鸞裔也納粟爲桂平

貞孝錄傳

一

尉仙槎嘗以白金贈壻投蕙任所並與蕙妻約攜月姑偕往不意背約之潯州置月姑於不顧反爲其子娶娼婦爲妾蕙旋以越獄案鐫職一家男婦流落粵西不數年相繼死亡負心之報昭昭不爽月姑聞之毀容慟哭棄簪珥衣縞素爲夫服斬衰喪有以未成婚而非夫婦之言進者卽以死誓之仙槎長媳夭遺嬰慶桃歲未週月姑啖以餅餌撫如己子及患痘症勢甚危險設法調護獲痊可每課慶桃書一燈熒熒以針黹伴其誦讀非更漏三

下不止嘗自嘆云婦人三從四德吾旣無夫與子

可從所從者惟父而已身爲未亡人容固當毀言

何敢妄我生不辰逢此大戾德之涼也尙何言哉

惟工一字有不可廢者藉針黹以佐饔飧卽以爲

娛親之資矧老父以家貧奔馳四方兒輩坐食若

不勤勞節省於心安乎休其蠶織詩之所以志戒

也是仙槎內助之力得月姑者居多居恒足不出

戶庭雖至戚亦未嘗覲面惟操井臼習女紅調羹

奉親歷五十年如一日易曰女子貞不字十年乃

貞孝錄傳

二

字是謂守貞以待字也若月姑者誠貞不字也仙槎以其事達之禮官禮官告之

天子頒綽楔而光閭里一時公卿大夫錫之詩歌俾貞

者益貞而不貞者相期而進於貞在張氏有貞女

在錢氏有節婦謂非風化之所重賴歟

王泉之曰君子之道造端乎夫婦婦人以夫爲天

旣失所天微論字與不字而夫婦之名分已定可

曰人惟一天我有二天哉自有女子未成婚而非

夫婦之論出遂爲毀節裂名者之所藉口羞惡之

心絕而人倫敦矣何異人臣懷二心以事君動借
豫讓國士知己之言作無恥失身之計若此者史
不勝書求其抱璞得完而貞固不搖者恒不數數
觀若月姑者可謂知恥矣

貞孝錄傳

三

貞孝題詞

德州盧蔭溥南石

丹山有皇鳥未卜和鳴綳雛鳳乃其匹一夫雲中翔上
擊九千仞羽翮委秋霜頓虛比翼願一曲哀孤鳳孤鳳
滅華色九苞慘不揚單飛誓鴻鴈雙宿卑鴛鴦願學反
哺烏啾啾謀稻粱巢居二十載不復鳴朝陽燦彼女貞
子聊代竹實嘗青鸞從東來銜 誥輝且煌

錫山顧 臯鍼石

女身親身惟親所使亦既許人靡忒自矢 天胡不弔

貞孝錄題詞

人之云亡終身自甘茹蘗飲霜 女侍親側常供子職
婉婉庭闈姑其字姪 貞以成孝人不間言 君恩
親恩綽楔在門

濱州杜 堦石樵

綺閣曾誇咏絮才寶釵鄭重護粧臺女貞不逐秋風折
絕勝池蓮並蒂開

阿翁明月是前身影現瑤臺不染塵乞得 彤廷紀

彤管白頭一笑百年春

海鹽朱方增虹舫

桂管追隨竟不還空聞樂府唱刀環傷心早作磨笄誓

望斷瑤簪萬里山

宋范成大謂桂之千峯如玉笋瑤簪森列無際

天顏綽楔慰親心筠節傳芳歲月深合遣管彤書盛事
千秋重續柏舟吟

古歙鮑桂星覺叟

夫婦以人合天親難共論類波斯義昧至性古風存自
少撤環瑱終年勤清溫北宮有嬰女 丹詔爲旌門

新城陳用光石士

白門張氏有瓊枝貞孝名標綽楔宜芳字原從仙籍認

貞孝錄題詞

苦心只許素娥知夫爲皖口官人子父是江南老畫師

徐淑秦嘉緣落莫雲吳樹信差池十年苔徑辭行跡

五夜琴聲撫斷絲燕壘原非孤鶴側鴛鴦漫益孝烏悲

有以乾隆五年例婚期過三年不娶可另擇配官爲給執照爲說者女以死自誓 女貞木分無

連理化石峯惟有誓辭從此事親手營膳更能助嫂夜

擎兒調康量水分勞日顧杼挑燈課讀時膝下鳳雛如

戀母堂前霜髮慰含飴人非元結心同瘁境異陶嬰節

並垂我慕杜劉成傳記

杜預女記與劉向列女傳體例相似今惟見太平御覽所采取

數特拈彤管賦新詩

東鄉吳高梁蘭雪

生爲張氏女聘作錢家婦阿嬀音信無願侍父與母阿
翁好遠遊數年纔一歸母飢爲進食母寒爲製衣阿兄
生一兒阿嫂病不起善體父母心撫若親生子兒小出
天花性命在呼吸臥榻藥烟中經旬淚痕濕兒年漸長
成課之使讀書風雪夜三更一燈搖敝廬承歡四十年
足不踰門閭戚黨知女賢無由望顏色願爲女貞樹不
開連理花冰霜酬苦節詩禮出名家峩峩鍾山雲湛湛
青谿水山水揚清風表此貞孝里錢家有此婦錢郎死

貞孝錄題詞

亦生張氏有此女千秋貽令名

錢塘戚人鏡蓉臺

朝廷重風化閨閣多芳聲未婚甘守志先後門閭旌

春題貞女者三矣 其中激烈死轉易從容生長齋或禮佛枯寂

遺世情偉哉張氏女嫻訓淑且貞錢郎去不返此身未

分明不化鍾山石但誓秦淮清有如隱逸士從此謝簪

纓亦復理人事子職何肫誠烹膳代茅容撫孤矢程嬰

肯將顧復德同付浮雲輕

此較枯寂者爲尤難

本節以爲孝千秋

垂令名膝下晨昏長請看綽楔榮

衡山聶銳敏蓉峯

青青女貞子抽條依本根願言保終歲永念生我恩他
山有長松結子含清芬子落松樹下秀發枝條新兩小
同心性兩小結婚姻匠入松林中取材出邱園老松離
故柯小松難獨存依隨過湖海飄零沒風塵青青女貞
子挺貞懷所天謂當作連理不當化文鴛誰知一片心
遂已了百年傳聞若風雨固結若膠弦生我憐其孤女
貞不受憐豈能學飛蓬更被絲蘿牽生我既有恩本根
亦有傳幹朽枝復枯枯枝幸生孫依根護孫枝長大恩
貞孝錄題詞

亦全青青女貞子全貞義所宜

仁和許乃濟青士

我所思今在桂林夕陽天遠雁沉沉從他桃葉春風渡
相倚庭萱是素心

雞鳴櫛縱首飛蓬千古同高徹填風博得雙親都喜色

迎來 褒詔五雲中

濮啟宗曉雪

大江東去水涵秋壯觀山高壓綺樓占到十年貞不字
六朝今粉一時羞

女子生而願有家誰甘離俗表清華天心要式羣芳譜
冰雪珍培月姊花

磨并割鼻太酸辛多少清閨嘆不辰何似賢親成女志
昇平時節作完人

胡九思默軒

閒披彤史數前模不信貞徽曠代無矢節旣堪稱孝女
撫兒兄賴有慈姑冰霜幾歷年華老 綸綍新承寵
命殊此日聲傳京國遠好憑金管寄三吳

同里章 沅荆颿

貞孝錄題詞

庸行首以孝女德貴能貞以貞全摯孝允堪揚淑聲賢
哉張氏女無欲兼無營問年正韶齒絲蘿締分明擬待
春園華百兩相爲迎人事至不常中道值變更嶺雲夢
不到但見芙蓉城從此誓靡他堅心同穴盟眷彼三春
暉聊復終吾生一朝 鳳書貢里閨增光榮

同里何汝霖雨人

昆山片玉其白如雪貞女寸心其堅似鐵唯彼張女女
中所無偉哉厥志節婦不如節婦雖苦有子可倚貞女
不然無子可撫况女之衷不與人同旣貞且孝曠代高

風守貞不字願事父母姪其從姑視如己子語夜蟲清啼秋雁橫軋軋朗朗機聲書聲悲風繞室冰霜爲質於今卅年恒如一日卽此天德盛典優兮特旌貞孝炳千秋兮

同里伍長英芝山

于歸未賦竟無歸撤去環瑱嗣古徽虛盼紅絲牽昔歲常期白首報春暉蘭心祇向南陔永護影忻從北背依梓里貞規彤管燦旌闥指日荷綸扉

表弟何其興祥垣

貞孝錄題詞

崎行傳奇女艱辛已備嘗有家成露電此志凜冰霜弱質磋磨老親闔侍養長光榮彤史著今日荷旌揚

族叔曾沂元

婦人有三從從父特其始一自從夫後從父事遂止安得遂烏私終身奉甘旨獨有至性人天若爲所使空結鏡中緣俾常依怙恃嬰兒懷北宮孝行堪比儔敬進親所欲經營勞十指更善體親心辛勸鞠猶子非弟女中師鬚眉未及此竚邀綽楔榮芳名播青史

六合朱寔發飯石

浩浩龍江水盤盤鍾阜山水毓正氣乃產閨中賢賢女出張氏貞孝能兩全女時在襁褓受聘字于錢錢生隨父宦遠在西粵邊幾番秋葉落幾度春花妍西粵隔天末杳無魚雁還生死不可定一瞬三十年國家著令甲婚期難終懸夫氏久逃亡許別聯姻緣人以此語進遵例亦達權女也適聞之涕淚交漣漣長跪告父母父母聽我言女也命苦薄女也心則堅許錢必於錢改適非禮焉必欲強爲之行卽歸黃泉何況北宮嬰終身撤環鈿堂上有父母孝養能明虔白華詩可賡何必琴瑟絃古有行之者女也胡不然父母聞此語首肯心則憐女也有阿姪失母嗟顛連女迺鞠育之顧復殊拳拳一燈課書史一針縫衣綿姪時發膚瘡危險遭連連女夜數十起湯藥親烹煎賴此調護力遂得臻安痊至今姪成立皆仗女陶埏父母得女在心神皆安便冬缸與夏簞籬笋與江鱸以女代男職婉轉陔蘭前在錢以貞著在張以孝傳今年四十九白髮將垂顛冰心凝一片霜雪開青蓮嗟哉末俗偷士夫多輕儇卓哉節孝事大半皆棄捐女也具士行轉以大力肩旌門有綽楔峙

貞孝錄題詞

浩浩龍江水盤盤鍾阜山水毓正氣乃產閨中賢賢女出張氏貞孝能兩全女時在襁褓受聘字于錢錢生隨父宦遠在西粵邊幾番秋葉落幾度春花妍西粵隔天末杳無魚雁還生死不可定一瞬三十年國家著令甲婚期難終懸夫氏久逃亡許別聯姻緣人以此語進遵例亦達權女也適聞之涕淚交漣漣長跪告父母父母聽我言女也命苦薄女也心則堅許錢必於錢改適非禮焉必欲強爲之行卽歸黃泉何況北宮嬰終身撤環鈿堂上有父母孝養能明虔白華詩可賡何必琴瑟絃古有行之者女也胡不然父母聞此語首肯心則憐女也有阿姪失母嗟顛連女迺鞠育之顧復殊拳拳一燈課書史一針縫衣綿姪時發膚瘡危險遭連連女夜數十起湯藥親烹煎賴此調護力遂得臻安痊至今姪成立皆仗女陶埏父母得女在心神皆安便冬缸與夏簞籬笋與江鱸以女代男職婉轉陔蘭前在錢以貞著在張以孝傳今年四十九白髮將垂顛冰心凝一片霜雪開青蓮嗟哉末俗偷士夫多輕儇卓哉節孝事大半皆棄捐女也具士行轉以大力肩旌門有綽楔峙